

Guangjisi Minzcu Bau

ganhhau: CN45-0036 B.2016 Nd.1 Ng.13 liggaeuq ietfeih nienz ndwenlab coseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3207期

《Fwendanq Baksæk Gijyi》Aeu Yaemgo Minz- cuz Guh Sucaiz Yaem' wenq Haenx Guhsat

以民族音乐为旋律素材的《百色起义组歌》创作完成

Mboengqneix, daengx guk aen fwendang daih' it aeu Baksæk Gijyi guh cawjdaez gajbien cauxbaenz haenx 《Fwendanq Baksæk Gijyi》, youz Baksæk Yozyen comz vunz guhsat. Baksæk Yozyen dwg daengx guk 11 aen “gwzming ginghdenj yisuz gyaunuz sifan gihdi” hwnjguh hanghmoeg ndawde aen he, lauxsae aen hagdangz neix aeu 《Coj You-

gyangh Dieggoek Gwzming Fwen Damzraih Gwzming》guh sucaiz goswz, aeu Baksæk deihfueg yaemgo minzcu guh sucaiz yaem-wenq, cienmonz iucingj Gvangsish Yisuz Yozyen bouxsijbuj lauxhangz daej sij 《Fwendanq Baksæk Gijyi》. 《Fwendanq Baksæk Gijyi》minzcuysing、gwzmingsing daegsæk yienhda, faen baenz “geqsoq laep-

yamq ndawbiengz” “senhconz gwz-ming cujcangh” “daenhmbwn vuj-cangh gijyi” caeuq “cienzboq cehfaen gwzming” seiq aen yozcangh, yisuz dwk yienh'ok le Baksæk Gijyi gwzming ginglig, haenhdaq le cingsaenz doucwngx bouxbing bek-singq Yougyangh dieggoek gwzming baenzbaenz cungj mbouj lau haenx.

(Cinz Yicungh/陈毅忠)

Lozcwngz: Mulaujcu Bouxcoz “Bae Bo Doiqfwen” Gangj Cingzeiq

罗城：仫佬族青年“走坡对歌”表衷情



1 nyied 6 hauh, Lozcwngz Mulaujcu Swciyen bae bo gvangcangz, Mulaujcu mbauqsau camgya bae bo doiqfwen hozdung, doxcaez soengq doxgaiq dinghcingz, doxcaez gangj cingzeiq.

Mulaujcu miz gij conzdungj “bae bo doiqfwen”, ciet bae bo dwg ngoenzciet conzdungj Mulaujcu bouxcoz doiqfwen gyaunuz, itbuen youq ndwencieng caeuq bet nyied cibngux gonqlaeng banh, moix daengz ngoenzciet seiz, Mulaujcu mbauqsau cang-ndang moqsag gyaueget, baenz bang guhdoi, doxcomz youq bo' bya gingjsaek gyaunde roxnaez bofwen eu fwen, aeu fwen gyaunuz, aeu fwen cienz cingz, aeu fwen guh moiz, gangj cingz gangj gyaez, doxcaez soengq doxgaiq dinghcingz, gangjok gij cingz song mbiengj doxgya, ra bauxhab' ei; seizneix Mulaujcu bae bo doiqfwen gaenq mboujdan dwg gangj cingz gangj gyaez lo, de gyalai le haenhdaq dangj, haenhdaq seveicujyi, haenhdaq minz-cuz doxgiet, haenhdaq vuenyungz saedcej daengj neiyungz. Ndaw doz dwg bouxcoz Mulaujcu camgya bae bo doiqfwen hozdung.

(Liu Gvanghfuz/廖光福)

Cingsih: Dajcaux Henzguk Cin Vwnzva Okmingz

靖西：打造边境上的文化名镇

Bi' gvaq daej, Cingsih Si Huzyin Cin haenq guh cingsaenz vwnzmingz hwnjguh, gaenxmaenx guh ndei cwngecwz senhgyangj, gyavaiq yamq-din vwnzva sezsih hwnjguh, gunnganq vunzlai vwnzva diyzuz heiqaen naekna, mboujduenh gya' gvangq cin vwnzva okmingz neihanz. Riengzdwk ndaej “aen cin cungdenj daengx guk” “Gvangsish bak cin aen cin gunghcwngz guhyiengh”, doeklaeng youh ndaej gaiq daihsei “cunh cin vwnzmingz daengx guk”.

Haenqrengz guh yiengheng sezsih giekdaj. Leihyungx Gvangsish bak cin gunghcwngz guhyiengh, guhsat hong coih ndei baujhoh dieggaeuq Lungzhuz Minzcuj Cwng-fuj. Doenggvaq gag okcienz caeuq “it saeh it yaeng” caizcwng bued cien hanghmoeg caeuq ceng' aeu gaep baihgwnz cien hwnjguh hanghmoeg,

gyalai doiq gak mbanj gai vwnzva hozdungsiz、lanzgiuzciengz daengj vwnzdij giekdaj sezsih hwnjguh.

Dajcaux vwnzva heiqaen naekna. Haeujlaeg vatcimh Huzyin Gujdangicouh vwnzva、Ciz Yazgwz cetyouy Huzyin、Hungzbazgin youq Huzyin daengj lizsij vwnzva、gwzming vwnzva. Youq ngoenzhaw caeuq ngoenzciet youqgaen daengj cujciz iucingj si cin doihvwnzyi yungx fwen、moedlaenz、Heiqcuengh daengj hingzsih, doiq hong hozdung youqgaen seizneix guh senhconz, mboujduenh fungfouq cingsaenz vwnzva saedcej vunzlai.

Guh ndei cwngecwz senhgyangj. Mboujduenh gajnde “gyangjisizoj” hwnjguh. Iucingj yienh si mizgven lingjdauj、dangjyau lauxsae caeuq lauxhangz daej senhconz cingsaenz Cibbet Gaiq Seiq Cung、Haj Cung

Cienzhoh、seveicujyi hwzsinh gyacizgvanh daengj, cietsaed daez-sang dangjyenz ganbu lijun suiyingz caeuq cauxlaeb guh hong naengzlig.

Haenq guh cingsaenz vwnzmingz hwnjguh. Haeujlaeg haiguh hong cauxlaeb “luengqhongh bak leix vwnzmingz henzguk”, nyinhcaen guh ndei denjhingz diemjguhyiengh hwnjguh, yungx diemj daiq mienh haenqrengz haiguh vunzlai cingsaenz vwnzmingz cauxlaeb hozdung, cunh cin yienghsiengq, gajguh neihanz mboujduenh gya' gvangq, daegsæk cin okmingz mbanj okmingz hwnjguh cwnzgoj ndei. Bi' gvaq 2 nyied ndaej gaiq daihsei “cunh cin vwnzmingz daengx guk”. Bi' gvaq 11 nyied Sinhlingz Cunh ndaej Baksæk Si cunh cin vwnzmingz cwnghueh.

(Nungz Yangzyung/农扬勇
Caiz Denhyangz/翟天阳)

SIUSIK DINJ

简讯

● 1 nyied 6 hauh dwg ngoenz-ciet siujhanz, Cenzcouh Yen Singzyangh diegdieg mbin gij heiqlom ceiz, dangdieg vunzlai ranzranz hohhoh miz gij conzdungj siujhanz guh ceiz, caj daengz ndwencieng seiz bae cunz caencik baengzyoux, aeu de guh saenzcingz soengq.

(Vangz Swhcang Dungz Gvangjdungh)

● Gaenx geij bi neix daej, Dwzbaux Yen Lungzsangh Cin cungfaen fatok bonjdieg gijnde swhyenz, gaenxmaenx sonyinx vunzlai diuzcingj dajndaem gezgou, gujli ciuq hwnjguh yienhdaih daegsæk nungzyez sifangih hwnghat vunqsik, gyalai ndaem byaek, vih dangdieg bauxghnaz lai fungsou baenzfouq caux diuz roen moq.

(Cinz Siubeih Vangz Yenzzenz)

● Bi moq ngamq hainduj, Denzyangz Yen Yifung Cin vunzlai couh leihyungx cietheiq seiz ndei, faenfaen bae gak bonjdieg hawciengz gaicawx dinfaex haenx, cawx dinfaexsamoeg、dinfaex-anhsu、dinfaexge daengj gak cungj dinfaex, haenqrengz guh hong comj ndaem lai ndaem gak ranz ndoengfaex, mboujduenh gya-gvangq linzyez dajndaem mienh-cik, daezsang bo' bya ndoengfaex cwgoemq cingzsoq caeuq aen mbanj loegvaq caeuq dajrongh cingzdoh.

(Vangz Gozsun)

● Yungzanx Yen dwg buék daihhaj Cunghyangh caizcwng siuj-hingz reihnaz suiqli cungdenjyen, 2015-2016 nienzdoh seizdoeng seizcin dajsuenq hengzguh suiqli hanghmoeg 106 aen, gungh bued cienz 7809.73 fanh maenz, gajgez 1.32 fanh vunz gwnraemx ancienz vwndiz, dauqfuk caeuq gajnde dwkraemx mienhcik 6.21 fanh moux, bi gyalai mbaetraemx naengzlig 100.36 fanh laebfueg, vih seizcin dajndaem swngxcanj yungx raemx daezhawj baujcan akrengz.

(Vangz Gozliengz)

● 1 nyied 10 hauh, Dasinh Yen Dauzcwngz Cin Cwngfuj lienzhab gyoengq bauxgagnyienh Dasinh Yican itheij haiguh bi moq roengzmbanj soengq raeuj hozdung, seongq denz、buh、haeuxsan daengj doxgaiq hawj bauxgeq vujbauj. Gvaqlaeng, gyoengqde yaek laebdaeb soengq doxgaiq raeujsim hawj aen cin neix gizyawz geij bak baux bauxgeq gungzhoj vujbauj.

(Cinz Civanj)